

DIDZA' BURÓP BUZUJË' LU GUICH PEDRO

Pedro rugapë' Dios nup ta'dá' Cristo

1 Neda', Simón Pedro, naca' huen dxin queë' Jesucristo, len gbaz nasölë'ë Lë'. Rugapa' Dios lbi'ili', réjlë'li' Jesús. Tuz ca záca'gac yöl-la' rejlä' queëli' Lë' len yöl-la' rejlä' queëtu' Lë'. Dios benë' ga réjlë'li' Lë' le nacczë' tsahui', len le naquë' tsahui' ca' Xanru' Jesucristo, Nu na' ruslá rë'u. ²Rnabda'-në' Dios gunë' ga gata' gdu queëli' le ruzá' ladxë'ë queëru', len gunë' ga soa dxi icj ládxi'dau'li' le núnbë'li'-në' Dios lenca' Xanru' Jesús.

Le nacgac nup ta'yejlë' Cristo

³Lu yöl-la' huac zxön queë', Dios chbennë' queëru' yúgu'të le rquíniru' quië gata' queëru' yöl-la' na'bán gdu, len quië gacru' ba'a ladxì', le núnbë'ru' Nu na' bulídz rë'u quië gata' queëru' yöl-la' yení' queë' len le nac dxi'a queë'. ⁴Le runë' cni, benë' ga gac uzi'ru' xbey yugu' le zxön len le nac dxi'a gzxi' lu në'ë gunnë' queëru', ati' le nac cni nularu' lu le cunác dzö' yödzlyú ni le ta'zé ládxi'gac le cunác bunách, quië gacru' ca naquë' Lëczë' Dios. ⁵Qui lë ni na', chqui' réjlë'li'

Cristo, gul-güí' ládxi'li' gacli' dxi'i ladxì'. Chqui' chnacli' dxi'i ladxì', gul-güí' ládxi'li' gata' ca' queëli' yöl-la' rac szxöni. ⁶Chqui' napli' yöl-la' rac szxöni, gul-güí' ládxi'li' gna be'i cuinli', len chqui' rna be'i cuinli', gul-cóz zxön ladxì', len chqui' rbözli' zxön ladxì', gul-zóa ba'a ladxì'. ⁷Chqui' zoali' ba'a ladxì', gul-dxí'i lza'li', len chqui' nadxi'ili' lza'li', gul-dxí'i ca' yúgu'të bunách.

⁸Chqui' cni runli', len zeaj racr gdu ca runli' cni, lë ni gun ga cugác daduz yöl-la' rejlä' queëli' Lë', ati' tseaj gacr gdu ca núnbë'li'-në' Xanru' Jesucristo. ⁹Nu bönni' cutu rui' ladxë'ë gunë' cni, naquë' ca bönni' nachúl nanitië', le chgul ladxë'ë bunë' lë' dxi'a Cristo, bugüë' yugu' dul-la' gbaguë'ë zí'atël. ¹⁰Qui lë ni na', böchi' lza'adau', ral-la' güi'tër ládxi'li' gáquibe'ili' bulidzë' lbi'ili' Dios len gröczë' lbi'ili'. Chqui' gunli' cni, cutu ca' gchixi gníguili'. ¹¹Cni gac, gdu ladxë'ë Dios gunnzë' lbi'ili' latj tsazli' ga rna bé'teczë' Xanru' Jesucristo, Nu ruslá rë'u.

¹²Qui lë ni na' gúntecza' ga tsajneyli' yugu' lë ni zal-la' chnóziczli' lei len rugunli' dxin le nac gdutë li na' chgzxi' lu na'li'.

¹³Runi neda' ral-la' uspana' ládxi'li' ca nacgac lë ni tsal ni zoa' nabana'.
¹⁴Ral-la' guna' cni le nõzda' zia' gatia'. Xanru' Jesucristo chgudxczë' neda' gac cni quia'. ¹⁵Qui lë ni na' güi'tsca ladxa'a guna' ga tsajnéyteczli' yugu' lë ni tõd gatia'.

Nup gulale'i yöl-la' zxõn queë' Cristo

¹⁶Cutu bé'leutu' lbi'ili' didza' rdaz lu yöl-la' sina' queëtu', cati' buzéjni'tu' lbi'ili' ca ral-la' gdxin dza huödë' Xanru' Jesucristo, napë' yöl-la' uná bë' zxõn. Netu' blé'icztu' yöl-la' zxõn queë'. ¹⁷Blé'itu' Lë' cati' benë' Lë' ba la'n Xuzru' Dios len glu'ë Lë' yöl-la' zxõn, ati' byõn chi'ë Dios, bruj latj yení' queë', gnë': "Nu ni nac Zxi'na'. Nadxi'ida' Lë' len rdzag ladxa'a Lë'." ¹⁸Netu' byõnicztu' chi'ë na' bruj yehua' yubá cati' ni' gzóalentu'-në' Xanru' lu gui'la la'y.

¹⁹Lë na' guc, nac bë'tsca nactë didza' glu'ë bönni' uláz queë' Dios, ati' ral-la' güi' ládxi'li' didza' na', le nac ca tu gui' ruzení' tu ga nac chul ga gdxintë dza uzení' lu icj ládxi'dau'li' Nu na' nac ca bölj usí' queëru'. ²⁰Lë ni runtsca bayúdx tséjni'li': "Nutu nu bönni', racz queë' cutu gac usedxë' didza' bë'ë bönni' uláz queë' Dios." ²¹Yugu' didza' glu'ë bönni' uláz queë' Dios cutu ca' glu'ë le glë'ncznë', san glu'ë didza' uláz queë' Dios le buchizië' lei icj ládxi'dau'quë' Dios Bõ' La'y.

Ca nacgac nup tu'sëdi le cunác

2 Gulacué'lenë' ca' bunách Israel bönni' ta'zí' yë'ë, gulané' nacquë' bönni' tu'ë didza' uláz queë' Dios. Lëzca' cni la'cuá'lenë' lbi'ili'

bõnni' la'zí' yë'ë, lusëdnë' lbi'ili' le cunác. Lu yöl-la' sina' quequë' lusëdnë' lbi'ili' zxbá quégaczë' le gun ga soa banádx queëli' uca'nli' le nac gdtë li. La'dá'baguë'ë ca' Xanru', Nu buslá rë'u. Le lunë' gun ga usnité' lequë' Dios. ²Gunli' lequë' tsazxõn zianli' ca nac le cunác lunë', ati' le gunli' la'li' cni la'né' xõhui' bunách qui didza' dxi'a le nac gdtë li. ³Lu yöl-la' ruhuidi' quequë' lusëdnë' lbi'ili' le cunác, quië gata' quequë' dumí queëli'. Chnarugu quequë' bönni' ni, ati' nac lõz la'nitië' tsaz.

⁴Dios cutu bunít lahuë' yugu' gbaz la'y queë' na' glunë' dul-la', san gru'në' lequë' latj chul. Nága'quë' du guia ga nac chul na', ta'bözë' dza usyudxë' lequë' Dios. ⁵Lëzca' cni, cutu bunít lahuë' bunách gulacué' dza ni'të cati' bsölë'ë nis guiõj usnít yödzyú, len busnitië' bunách nacgac xõhui', san buslé' lu nis na' Noé, bönni' ni' benë' lban qui le nac tsahui'. Dios buslé' ca' lu nis yegádx di'a dza queë' Noé na'. ⁶Lëzca' cni, Dios bchuguë' quegac bunách gulacué' yödzy Sodomá len Gomorra, busnitië' lequë' lu gui', ati' guluhuõaquë' dö. Le guc quequë' nac tu le ruluí' le run gadxi nup tua' dö'. ⁷Cati' busnitië' yugu' yödzy na', Dios buslé' lu gui' na' Lot, bönni' tsahui'. Buí'nitsca ladxë'ë Lot ni'a qui le xõhui' glun bunách tua'dö' na'. ⁸Cni guc, le gzóalenë' lequë' bönni' tsahui' na', ati' blé'inë' len byõnnë' le cunác na' tunë', ati' le guquë' ba'a ladxi', yúgu'të dza gsëbitsqui ladxë'ë ca nac le cunác glunë'. ⁹Cni nac, Xanru' nõznë' uslé' lu na' nu

run ga tsazgac nöz dul-la' nup na' tadxi Lè', san nucözè' zxguia' gunè' nup cunacgac tsahui' ga gdxinr dza gchuguè' quequè'.

¹⁰Gchúgütèrè' quegac nup ni tun yugu' le ta'zé ládxi'gac le cunác len ta'dá'baga' yöl-la' uná bè' queè' Xanru'. Nacquè' rugu ladxi' len zid ladxi'. Cutu tádxinè' tu'lídiz ditjè' gbaz la'y ta'dé' lu yení'. ¹¹Gbaz la'y na' nápgactèrè' yöl-la' uná bè' len yöl-la' huac ca yugu' bönni' na', san gbaz la'y na' cutu tu'huazxjnè' nu luquié' lahuè' Xanru'.

¹²Bönni' ni nacquè' ca böa' guixi', cutu bi ta'yéjni'ba', san naljcbá' quiè nu sön lecba' len gdödi lecba'. Ta'né xöhuè'è qui le cuta'yéjni'nè', ati' la'nitiè' tsaz ca rac quecba' böa' guixi' na'. ¹³Dios ubi'è quequè' le la'zaca' la'gui'è, le gulusaca' zi'è bunách. Táquinè' nac xbaquè' tu'zi'è xbey le rac na'a dza. Nacquè' ca tu huè' nudzu' len tu le run ditji cati' ni' tahuè' tsazxón lbi'ili', ati' tu'dzijnè' le ta'zí' yé'inè' lbi'ili'.

¹⁴Lu yöl-la' rzè ladxi' quequè' le cunác tu'yúè'-nu yugu' ngul. Cutu nacu'è dxiz tunè' dul-la'. Tunè' ga ta'chixi ta'nigui nup cunacgac tsutsu ca ta'yejlè' Cristo. Ta'guíljtecze' yugu' le tu'huídi'nè'. Dios chnuchuguè' quequè'. ¹⁵Guluca'nè' le nac gdu'tè li, ati' nachúl nanitquè'. Tunè' ca benè' Balaam, zxi'nè' Beor, bönni' ni' bdxinè' dumí, ati' benè' le cunác le nazxjè'. ¹⁶Dios buzeynè' ba nadx Balaam na' le benè' le cunác na'. Bé'lenba' lè' didza' tuba' búrrodau' ca na' tui' didza' bunách ati' buzága'ba' xnözè' Balaam ga na' zijè' lu yöl-la' rdá'baga' queè'.

¹⁷Nacquè' bönni' ni ca tu bdua' chbui' nis qui, lenca' ca tu böaj rchè' lei bö' bdunu'. Chnabá'a xlatjqüè' latj chul. ¹⁸Cni nacquè' le tu'è didza' yugu' le zxön lu yöl-la' cunözi quequè', len tu'gunè' dxin yugu' le ta'zé ládxi'gac bunách le cunác, tunè' ga ta'chixi ta'nigui nup zi'a gululá ladj nup nacgac chul nit. ¹⁹Tè' yezica' bunách la'del-li' yöl-la' ruslá, san légaccze' nadzunquè', tunè' bayúdx le cunác. Nadzunquè' yúgu'tè bönni' lu na' bi rna be'i icj ládxi'dau'què'. ²⁰Chqui' gululé' lu le cunác tsahui' nacuá' yödzyú ni le glunbè'è Xanru' Jesucristo, Nu ruslá rè'u, ati' ni'r ta'röli lequè' leyúbl le cunác tsahui' na', len ta'ná be'i lequè', le nactè nabága'gactèrè' zxguia' ga rajseytè ca le gulabaguè'è zi'al. ²¹Dxi'ar gac quequè' la'naru' gatga lunbè'è Nu ruzóa rè'u nöz tsahui' ca le gac quequè' chqui' glunbè'è Lè', ati' ni'r guluca'nè' zxba la'y bè'è quequè' Dios. ²²Chbudxín quequè' didza' na' rna:

Ruhueycjba' bö'cu', ruhuáguba' le zi'a gubba'.

Ruyazba' lu guna' cuch na' zi'a gdibru'-ba'.

Nac löz huödè' Xanru'

3 Didza' ni nac le buróp ruzuja' queèli' lu guich, böchi' lza'adau'. Lu groptè guich na' rui' ladxa'a uspana' ládxi'li' ca nacgac lè ni. ²Gul-tsajnéy yugu' didza' glu'è zí'atèl bönni' queè' Dios, glu'è didza' uláz queè'. Gul-tsajnéy ca' zxba na' gna bé'inè' rè'u Xanru', Nu ruslá rè'u, lè na' gulusèdnè' lbi'ili' bönni' gbaz nasölè'è Lè'.

³Le nac blau ral-la' tsajneyli', dza tsajséytégac luluí' laqué' bönni' luné' yugu' le ta'zéz ládxi'qué' le cunác. ⁴Lutiñjé', la'né': "¿Gazxcz læ na' gzxi' lu në'è Cristo, gnè': Huöda' leyúbl? Dza ni'tè cati' glatiè' xuz xtau'ru', yúgu'tè rac tuz ca guc cati' gzu lau rata' yödzlyú ga rdxintè na'a dza." ⁵Tu'zözé' tsla'l le guc dza ni'tè, bë'è didza' Dios, ati' glata' luzxbá len luyú. Bruj lu nis luyú na' ati' zoa gatsj lahui'l nis. ⁶Len nis ca' busnitiè' yödzlyú Dios dza ni'tè cati' ni' bsölè'è nis guiøj usnít bunách dul-la'. ⁷Luzxbá len yödzlyú ni nacua' na'a dza, Dios nucu'è leygac ga gdxinr dza usnitiè' leygac lu gui'. Cni gac le gnè' cni Dioscz. Uzégui'è leygac dza ni' gchuguè' quegac bunách cunacgac tsahui'. Usnitiè' leygac.

⁸Cutu gal ládxi'li' læ ni, böchi' lza'adau'. Tu dza nac queè' Xanru' ca zian gayuá' iz, ati' zian gayuá' iz nac queè' ca tu dzaz. ⁹Cutu rdzeynè' Xanru' gunè' le gzxi' lu në'è gunè'. Taqui la'gac bunách rdzeynè', san rbözè' zxön ladxì', rua' rlenè' rè'u le cutu rè'nnè' nit nitú bunách, san rè'nnè' lub'i'i ládxi'gac yúgu'tè bunách.

¹⁰Tu tsalz gdxin dza huödè' Xanru' ca rdxinè' chdzò'l gban. Dza na' huadód qui luzxbá len tu bö zxön. La'nít lu gui' zxön yúgu'tè le nacua'. La'yegui yödzlyú ni len le nacua' yödzlyú ni.

¹¹Chqui' cni gac, la'nít yúgu'tè læ ni, ¿bizza caz ral-la' gunli'? Ral-la'

gacli' ba'a ladxì' len udód cuinli' lu në'è Dios. ¹²Ral-la' cözli' dza huödè' Xanru' len güi' ládxi'li' gunli' ga gdxinr bayón dza ni' cati' nit luzxbá, ati' la'nít lu gui' le nacua'. ¹³Cni gac, san rè'u rbözru' le gzxi' lu në'è Dios, gunè' tu luzxbá cub len tu luyú cub ga ni' soa le nac tsahui'.

¹⁴Qui læ ni na', böchi' lza'adau', tsal ni rbözli' yugu' læ ni, gul-güi' ládxi'li' gacli' gdu dxi'a lahuè' Dios, nutu nu bi gac gnè queèli', ati' cözli' dxí'adau' cati' gdxinr dza ni'. ¹⁵Ral-la' gnözili' rbözè' zxön ladxì' Dios quiè gata' quegac bunách latj lulá, ca na' gnè' ca' bóchi'ru' Pablo, buzujè' queèli' lu guich, zoalen læ' yöl-la' rejni'i na' bë'è queè' Xanru'. ¹⁶Yúgu'tè lu guich ga ruzujè', ru'è didza' ca nacgac læ ni, zal-la' nútsa'gac ca' leygac yugu' didza' nacgac baníg tséjni'ru'. Yugu' didza' cni tu'chíxinè' bönni' cunözcnè' len bönni' cunác gdu ládxi'què'. Lèzca' cni tunè' quegac yela'gac didza' nayujgac lu guich la'y, le gun ga usnitiè' lequè' Dios.

¹⁷Chnóczicli' læ ni, böchi' lza'adau'. Qui læ ni na' gul-gún chi'i cuinli', cui la'zí' ye'i lbi'ili' bunách cunacgac tsahui', len cui lun ga tseaj bö' icj ládxi'dau'li' ca réjlè'li' Cristo. ¹⁸Gul-güi' ládxi'li' gacr gdu ca núnbè'li'-nè' Xanru' Jesucristo, Nu ruslá rè'u, ati' ruzi'li' xbè'. Yöl-la' ba Lè' na'a len yúgu'tè dza zi'a za'c. Ca' gac.